

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**JU MJEŠOVITA SREDNJA ŠKOLA ŽIVINICE**

Broj: 02-1959/21  
Živinice, 19.08.2021. godine

Na osnovu člana 129. stav (2) Zakona o srednjem obrazovanju i odgoju („Službene novine Tuzlanskog kantona“, broj: 10/20-prečišćeni tekst, 11/20 i 11/21), člana 16. stav (4) Zakona o izmjenama i dopunama Zakona o srednjem obrazovanju i odgoju („Službene novine Tuzlanskog kantona“, broj: 8/21) i Odluke Školskog odbora o raspisivanju konkursa za izbor i imenovanje direktora JU Mješovita srednja škola Živinice, broj: 02-1917/21 od 17.08.2021. godine, JU Mješovita srednja škola Živinice, raspisuje

**K O N K U R S**

**za izbor i imenovanje direktora JU Mješovita srednja škola Živinice**

1. Raspisuje se Konkurs za izbor i imenovanje direktora JU Mješovita srednja škola Živinice, na mandatni period od 4 (četiri) godine.

2. Direktor škole rukovodi školom i obavlja druge poslove u skladu sa članom 132. Zakona o srednjem obrazovanju i odgoju („Službene novine Tuzlanskog kantona“, broj: 10/20-prečišćeni tekst, 11/20, 8/21 i 11/21) i drugim važećim propisima kojima su propisane nadležnosti direktora srednje škole koje imaju status javne ustanove, odnosno kojim je uređen sistem rukovođenja javnim ustanovama srednjeg obrazovanja na području Tuzlanskog kantona.

3. Pored općih uslova (posjedovanje državljanstva Bosne i Hercegovine i posjedovanje opće radne i zdravstvene sposobnosti za obavljanje poslova direktora škole, da se na njega ne odnosi član IX (1) Ustava BiH, da nije osuđivan za krivično djelo, da nije kažnjavao iz oblasti privrednog prestupa i da mu nije izrečena zaštitna mjera zabrane vršenja poslova nastavnika, pedagoga ili direktora škole), kandidat za direktora škole dužan je ispunjavati i sljedeće posebne uslove:

- a) da ispunjava uslove za nastavnika ili pedagoga u skladu sa nastavnim planom i programom škole u kojoj konkuriše,
- b) da ima odgovarajući nivo obrazovanja-visoka stručna sprema ili ekvivalent i stručno zvanje u određenoj oblasti,
- c) da ima najmanje 5 (pet) godina radnog iskustva na poslovima nastavnika ili pedagoga osnovne ili srednje škole,
- d) da se ističe organizacionim sposobnostima.

4. (1) Za direktora škole ne može biti imenovano lice kod kojeg postoje smetnje za imenovanje propisane članom 128. Zakona o srednjem obrazovanju i odgoju („Službene novine Tuzlanskog kantona“, broj: 10/20-prečišćeni tekst, 11/20, 8/21 i 11/21), odnosno lice:

- a) koje je pravosnažno osuđivano za krivično djelo koje ga po članu 105. stav (1) istog zakona čini nepodobnim za rad sa djecom,
- b) na koje se odnosi član IX (1) Ustava Bosne i Hercegovine,
- c) koje je član izvršnih organa političkih partija,
- d) koje ima direktan finansijski ili drugi lični interes u školi u kojoj se kandiduje koji bi mogao dovesti do sukoba interesa sa njegovom dužnošću direktora,
- e) kojem je u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,
- f) koje je pravosnažno osuđeno za neko od krivičnih djela iz člana 105. stav (1) Zakona o srednjem obrazovanju i odgoju, koje je kažnjavao iz oblasti privrednog prestupa, kojem je izrečena zaštitna mjera zabrane vršenja poslova direktora, nastavnika ili pedagoga škole ili koje u mandatnom periodu stiče uslove za odlazak u penziju shodno odredbama Zakona o radu,

g) koje je zbog svoje krivice bilo razriješeno dužnosti direktora neke od odgojno-obrazovnih ustanova u prethodne četiri godine, ili u mandatnom periodu stiče uslove za odlazak u penziju,

h) koje je u školi u koju se kandiduje imenovan za direktora dva uzastopna puna mandata.

(2) Lice može biti imenovano za direktora škole više puta, ali ne više od dva uzastopna puna mandata. Imenovanje za vršioca dužnosti direktora tog ili drugog lica između dva mandata, odnosno razrješenje sa dužnosti direktora škole prije isteka vremena na koje je imenovan iz razloga propisanog članom 134. stav (1) tačka a) Zakona o srednjem obrazovanju i odgoju, ne prekida uzastopnost mandata u odnosu na lice koje se javlja kao kandidat za direktora škole.

5. Prilikom prijavljivanja na konkurs kandidat je dužan dostaviti sljedeću dokumentaciju:

a) prijavu na konkurs koja sadrži kraću biografiju,

b) diplomu o stečenoj stručnoj spremi (original ili ovjerena kopija),

c) uvjerenje o položenom stručnom ispitu za samostalan rad na poslovima nastavnika ili pedagoga (ovjerena kopija),

d) potvrdu/uvjerenje o posjedovanju najmanje pet godina radnog iskustva na poslovima nastavnika ili pedagoga škole poslije sticanja odgovarajuće stručne spreme (original ili ovjerena kopija),

e) program rada i razvoja škole za period na koji se imenuje direktor,

f) uvjerenje o državljanstvu (original ili ovjerena kopija),

g) uvjerenje izdato od strane nadležnog suda da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poslova nastavnika, pedagoga ili direktora škole,

h) ovjerenu izjavu da nije pravosnažno osuđivan za krivično djelo koje ga po članu 105. stav (1) Zakona o srednjem obrazovanju i odgoju („Službene novine Tuzlanskog kantona“, broj: 10/20-prečišćeni tekst, 11/20, 8/21 i 11/21) čini nepodobnim za rad sa djecom,

i) ovjerenu izjavu da se na njega ne odnosi član IX (1) Ustava Bosne i Hercegovine,

j) ovjerenu izjavu da nije član izvršnih organa političkih partija,

k) ovjerenu izjavu da nema direktan finansijski ili drugi lični interes u JU Mješovita srednja škola Živinice, koji bi mogao dovesti do sukoba interesa sa njegovom dužnošću direktora,

l) ovjerenu izjavu da nije osuđivan za krivično djelo,

m) ovjerenu izjavu da mu u posljednje tri godine prije dana objavljivanja konkursa nije otkazan ugovor o radu zbog disciplinske odgovornosti ili u istom periodu izrečena disciplinska mjera otpusta iz državne službe,

n) ovjerenu izjavu da zbog svoje krivice nije razriješen dužnosti direktora neke od odgojno-obrazovnih ustanova i da u mandatnom periodu ne stiče uslove za odlazak u penziju,

o) ovjerenu izjavu da u JU Mješovita srednja škola Živinice nije imenovan za direktora dva uzastopna puna mandata.

U slučaju potrebe, na zahtjev škole, kandidati su dužni dostaviti i drugu dokumentaciju kojom dokazuju ispunjavanje potrebnih uslova za izbor i imenovanje na dužnost direktora škole.

Pod ovjerenom izjavom podrazumjeva se izjava ovjerena od strane nadležnog gradskog ili općinskog organa uprave, odnosno izjava ovjerena od strane notara.

Kandidat koji bude izabran za direktora škole dužan je prije stupanja na dužnost dostaviti uvjerenje nadležne zdravstvene ustanove da je zdravstveno sposoban za obavljanje poslova direktora škole ne starije od 3 (tri) mjeseca.

6. Odluku o izboru i imenovanju direktora škole, nakon provedene konkursne procedure, donosi Školski odbor, uz prethodno pribavljeno stručno mišljenje Pedagoškog zavoda Tuzlanskog kantona i prethodnu saglasnost Ministarstva obrazovanja i nauke Tuzlanskog kantona, te vlastite ocjene dostavljenog programa rada i razvoja škole za period na koji se imenuje direktor.

Kriteriji po osnovu kojih Pedagoški zavod Tuzlanskog kanton daje stručno mišljenje, odnosno kriteriji po osnovu kojih Ministarstvo obrazovanja i nauke Tuzlanskog kantona daje prethodnu saglasnost propisani su tačkom IV i V Kriterija o utvrđivanju uslova na osnovu kojih se vrši izbor i imenovanje kandidata za direktora srednje škole čiji je osnivač Skupština Tuzlanskog kantona („Službene novine TK“, br. 11/14), Kriterija o dopuni Kriterija o utvrđivanju uslova na osnovu kojih se vrši izbor i

imenovanje kandidata za direktora srednje škole čiji je osnivač Skupština Tuzlanskog kantona („Službene novine TK“ broj: 15/21).

O rezultatima konkursa kandidati će biti obaviješteni u pisanoj formi u roku od 8 (osam) dana od dana donošenja odluke o izboru direktora škole.

Odluka Školskog odbora je konačna i protiv iste se ne može izjavljivati žalba, ali se nakon njene konačnosti može pokrenuti sudski (parnični) postupak.

7. Konkurs ostaje otvoren 15 (petnaest) dana od dana objavljivanja u dnevnom listu „Dnevni avaz“. Prijave na konkurs, zajedno sa traženom dokumentacijom, kandidat dostavlja neposredno na protokol škole ili preporučenom poštom na adresu: **JU Mješovita srednja škola Živinice, Ul. Alije Izetbegovića 12 a, 75270 Živinice, sa naznakom „Prijava na Konkurs za izbor i imenovanje direktora JU Mješovita srednja škola Živinice - ne otvarati“.**

8. Neblagovremene ili nepotpune prijave bit će odbačene i neće se uzeti u razmatranje.



Predsjednik Školskog odbora

Abadžić Nusret, prof.